

Ioan. 10.  
c. 7.

bene ipse faciebat. *Cum ergo accepisset Iesus acetum, dixit consummatum est. Quid, nisi quod propheta tanto ante [tempore] prædixerat? Deinde quia nihil remanferat, quod antequam moreretur, fieri, adhuc oporteret, tanquam ille qui potestatem habebat ponendi animam suam, & iterum sumendi eam: peractis omnibus quæ ut peragerentur expectabat, Inclinato capite tradidit spiritum. Quis ita dormit, quando voluerit, sicut Iesus mortuus est, quando voluit? Quis ita vestem ponit quando voluerit, sicut se carne exuit, quando voluit? Quis ita cum voluerit, tabit, quomodo \* cum voluit, obiit? Quanta speranda vel timenda potestas est iudicantis, si apparuit tanta morientis?*

al abiit.  
\* illo